



Vischnaunca Schnaus

Canzlia communal
7130 Schnaus
Telefon 081 925 22 21
E-Mail: schnaus@kns.ch

Vischnaunca Schnaus **Reglament Santeri**

Approbau dalla radunonza communal dils 26 d'avrel 2013

Il president communal

La canzlista

Luregn Caspescha

Carin Coray

CUNTEGN

I.	Determinaziuns generalas	1
Art. 1	Basa legala	1
Art. 2	Intent	1
Art. 3	Survigilanza e cumpetenzza.....	1
II.	Uorden da satrar.....	1
Art. 4	Obligaziun da satrar	1
Art. 5	Temps da satrar	1
Art. 6	Prestaziuns dalla vischnaunca	1
Art. 7	Taxas	2
III.	Uorden santeri.....	2
Art. 8	Fossas.....	2
Art. 9	Partiziun dil santeri	2
Art. 10	Turnus da satrar	2
Art. 11	Exhumaziuns.....	2
Art. 12	Urnas	3
Art. 13	Profunditad dalla fossa	3
Art. 14	Dimensiuns dalla fossa.....	3
Art. 15	Cruschs e monuments.....	3
Art. 16	Mesiras.....	3
Art. 17	Inscripziun	4
Art. 18	Termin da postar	4
Art. 19	Lubientschas	4
Art. 20	Cass excepziunals.....	4
Art. 21	Vias	4
Art. 22	Manteniment dallas fossas	4
Art. 23	Register da fossas.....	5
IV.	Determinaziuns finalas	5
Art. 24	Sancziun	5
Art. 25	Dretg da recuorer	5
Art. 26	Vigur.....	5

I. Determinaziuns generalas

Art. 1 Basa legala

- 1 Sin fundament d'artichel 12 dalla lescha da sanadad dil cantun Grischun relai la vischnaunca da Schnaus quei reglament da santeri.
- 2 Aschilunsch che quei reglament prescriba nuot auter, valan las prescripziuns federalas e cantunalas.

Art. 2 Intent

Il santeri ei proprietad dalla vischnaunca e survescha al davos ruaus terrester dils defuncts. Ord respect visavi ils defuncts duei reger en quei liug benedi uorden e ruaus.

Art. 3 Survigilanza e cumpetenzza

La suprastanza communal survigilescha l'execuziun ed interpretaziun da quei reglament e decida tuttas damondas che pertuccan il santeri.

II. Uorden da satrar

Art. 4 Obligaziun da satrar

Il dretg da schar satrar en santeri han:

- a) Tuts domiciliai en vischnaunca
- b) Tut quels ch'eiin morts sin territori dalla vischnaunca
- c) Cun lubientscha dalla suprastanza communal:
 - Burgheis da Schnaus che habiteschan ordeifer
 - Defuncts cun relaziuns specialas cun la vischnaunca da Schnaus

Art. 5 Temps da satrar

Las sepulturas e las cremaziuns astgan succeder sil pli baul 48 uras e dueien haver liug en principi sil pli tard 72 uras suenter la spartida dil defunct. Cass specials basegnan ina lubientscha excepziunala dil miedi districtual.

Art. 6 Prestaziuns dalla vischnaunca

La vischnaunca organisescha la sepultura e procura per:

- a) La publicaziun officiala
- b) Il cavar e cuvierer la fossa

Art. 7 Taxas

Ils cuosts per l'organisaziun surpren la vischnaunca.

III. Uorden santeri

Art. 8 Fossas

Il santeri da Schnaus cuntegn

- a) Fossas per carschi
- b) Fossas per uffons
- c) Fossas per urnas
- d) Ina fossa comunabla

Sco uffons valan tuttas persunas sut 10 onns.

Art. 9 Partiziun dil santeri

- 1 Il santeri ei dividius en retschas. Ei vegn satrau en retscha. Da principi sto mintga retscha vegnir emplenida avon che la proxima retscha vegnir entschevida. Ina retscha va mintgamai da sid al nord. Las retschas duein succeder ina a l'otra da vest encunter ost.
- 2 Per satrar urnas en fossas vegnir in sectur special fixaus.

Art. 10 Turnus da satrar

- 1 Ein tuts secturs occupai cumpleinamein entscheiva in niev turnus.
- 2 Cruschs e monuments dallas fossas cavadas si ston vegnir allontanai ord santeri enteifer in meins suenter la visada ufficiala. La vischnaunca semetta a disposiziun d'allontanar la fossa sin cuost dil successur legal dil defunct.
- 3 Vegnir ei buca dau suatientscha a quella prescripziun vegnir la crusch ni il monument allontanaus dalla vischnaunca.

Art. 11 Exhumaziuns

- 1 Il temps da ruaus munta per tuttas fossas cun bara a minimalmein 20 onns. Las fossas astgan vegnir scavadas si pér suenter che quei termin ei spiraus.
- 2 Ei sto mintgamai l'entira retscha vegnir sliçada si suenter che la davosa fossa ei 20 onns veglia.
- 3 Vischals da plum e da lenn dir ston vegnir aviarts ni perfurai avon che la fossa vegnir cuvretga.

Art. 12 Urnas

- 1 Urnas san vegnir satradas en ina fossa d'urnas en retscha ni en ina fossa communabla per urnas. Il temps da ruaus per quellas fossas munta a 10 onns.
- 2 Sin giavisch vegn l'urna messa a disposiziun als parents per ina sepultura privata.
- 3 Sin giavisch dils parents sa in'urna vegnir satrada en ina fossa existenta. Il temps da ruaus d'ina tala fossa sedrezza denton tenor igl emprum defunct satraus en quella fossa. L'urna astga mo vegnir satrada en quella fossa sche quella vegn silmeins mantenida ulteriurs 10 onns.

Art. 13 Profunditad dalla fossa

La profunditad minimala dalla fossa munta a:

- 1.50 m tier fossas per carschi
- 1.20 m tier fossas per uffons
- 0.80 m per urnas.

Art. 14 Dimensiuns dalla fossa

Las fossas vegnan enramadas cun crap-granit ni betun grisch. Las mesiras exteriuras dalla rama muntan a:

Fossas per carschi:	lunghezia	1.60 m
	ladezia	0.60 m
Fossas per affons ed urnas	lunghezia	0.80 m
	ladezia	0.40 m

Art. 15 Cruschs e monuments

- 1 Ei sto vegnir tschentau ina crusch-fossa ni in monument da crap sin las fossas en retscha.
- 2 Cruschs-fossa ston esser da lenn ni da fier zincau e patinau. Cruschs da ghisa (Gusseisen, Roheisen) ein buca lubidas.

Art. 16 Mesiras

- 1 Cruschs e monuments astgan haver las suandontas dimensiuns:
 - a) Fossas per carschi
 - Altezia inclusiv postament 0.90 m – 1.30 m
 - Ladezia maximala 0.60 m
 - Grossezia maximala dil crap 0.15 m

b) Fossas per uffons ed urnas

- Altezia inclusiv postament 0.45 m – 0.65 m
- Ladezia maximala 0.40 m
- Grossezia maximala dil crap 0.12 m

2 Sin fossas eis ei buca lubiu da postar plontas che cuvieran pli che la mesadad dalla surfatscha dalla fossa.

Art. 17 Inscriziun

- 1 L'inscripziun sto cuntener num, prenum, onn da naschientscha ed onn da mort dils defuncts.
- 2 Las inscripziuns duein da preferenza succeder per romontsch.

Art. 18 Termin da postar

Cruschs e monuments astgan vegnir postai pér diesch meins suenter la sepultura.

Art. 19 Lubientschas

Avon che surdar las lavurs per ereger cruschs e monuments sto la damonda a scret per la lubientscha vegnir inoltrada alla suprastonza communal. La damonda sto cuntener:

- a) Ina skizza che cuntegn fuorma e mesiras
- b) Indicaziuns davart material e l'inscripziun
- c) L'adressa dil responsabel
- d) Termin d'execuziun

Art. 20 Cass excepziunals

En cass extraordinaris ei la suprastonza communal autorisada da digredir da quellas prescripziuns concernent las mesiras da cruschs e monuments.

Art. 21 Vias

La vischnaunca eregia e mantegn las vias en santeri.

Art. 22 Manteniment dallas fossas

- 1 Ils parents dils defuncts ein obligai da mantener las fossas.
- 2 Sin giavisch sa il manteniment da fossas vegnir surdaus alla vischnaunca encunter ina indemnizaziun commensurada.

Art. 23 Register da fossas

La vischnaunca meina in register dallas fossas e dallas urnas che cuntegn la numera dalla fossa ni dall'urna, il num e prenum dil defunct ed il datum dalla sepultura.

IV. Determinaziuns finalas

Art. 24 Sancziun

- 1 Surpassaments da quei reglament vegnan puni cun castitgs entochen frs. 1'000.- entras la suprastanza communal.
- 2 Vegnan cruschs e monuments eregi encunter las prescripziuns en quei reglament ni encunter la lubientscha, ordinescha la suprastanza communal da midar ni spazzar ils indrezs.

Art. 25 Dretg da recuorer

Encunter decisiuns e disposiziuns dalla suprastanza communal san ins recuorer enteifer 30 gis alla Dertgira administrativa dil cantun Grischun.

Art. 26 Vigur

Quei reglament va en vigur cun l'approbaziun entras il pievel alla radunonza communal dils 26 d'avrel 2013.